

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Disputatio Theologica Solennis De Termino Salutis
Humanae Peremptorio**

**Neumann, Johann Georg
Green, Georg Sigismund**

Vitembergae, 1700

§. IX

urn:nbn:de:bsz:31-105555

§. IX.

Constanter autem III. ad universalitatem Misericordiae provocamus; qua invitantur omnes ad amplectendam ubertatem gratiae, in Servatore paratæ. *Hec*, omnes sitiens venite ad aquas, & qui non habetis argentum properate, emite, & comedite *Ez. c. Esa. LV, 1.* Deum omnes homines vult salvos fieri, & ad agnitionem veritatis pervenire. *1. Tim. II, 4.* Patiens est Deus erga nos: dum non vult ullos perire, sed omnes ad pœnitentiam recipere, *2. Petr. III, 9.* Ex quibus, & similibus oraculis fundamentum salutis catholicum hoc constituitur: *Deum a) omnes homines, b) omni vita tempore, c) omni terrarum loco, velle salvos fieri, & d) ordinatis mediis ad agnitionem veritatis pervenire.* Primum & ultimum loca modo adducta evidenter probant. Cetera vero, peræque manifesta sunt: *Nam, Deus explandit manus suas toto die (i.e. toto vita tempore, seu, quo usque in via ambulant) ad populum rebellem, qui ambulat in via non bona *Ez. LXV, 2.* Misericordie Dei non finitæ sunt, nec consumpta miserationes ejus, sed nova sunt omni mane, Tbreñ. III, 22. 23. conf. Mattb. XX, 8.* E. per omne spatium vita. Deus annunciat hominibus, ut omnes, πανταχοῦ ubiq. resplicant. *Act. XVII, 30.* E per omnem terrarum orbem. Jam si singas, Deum nec omni vita tempore, nec omni terrarum loco, salvos velle homines, sed termino quodam ætatis definire illorum conversionem & salutem; corruet sane fundamentum salutis, & perinde labefactabitur, ac universalitas *Subjectorum* infringitur assertione absoluti decreti. Nam sic nemo concipere fidem poterit ex propositione universali; cum magna, ne dicam maxima hominum pars, circa finem viræ demum serio de peccatis doleat; Sic nemo vel Gentilium vel Judæorum, ac ne ipse quidem

quidem Paulus de impetrata misericordia poterat esse securus: quia juxta cum aliis Gentilibus & Judæis fuit blasphemus, & persecutor, & violentus. Sed misericordiae & longanimitati semper patulæ, id tribuit: Verum ideo misericordiam sicut adeptus, ut in me primo ostenderet Jesus Christus πάτερνα μαρτυρίου, ad sistendum exemplar iis, qui deinde credituri sunt in ipsum ad vitam eternam. I. Tim. I, 13, 16. Sic frustra militem in acie constitutum, frustatentatum, frustra datum ad supplicia, soleris, ac Verbo Evangelii erigas: quia regerent omnes: elapsum esse gratiæ terminum, actum de salute sua esse & conclamatum. Sed o barbaram & horrendam doctrinam, quæ hominem in barathrum æterni exitii agit præcipitem!

§. X.

Frustra etiam IV. Ministerium sacrum, lapsos ad pœnitentiam cohortatur: cur? quia in amplissimo auditorum cœtu, ne unus quidem futurus est, qui semel iterumque & saepius lapsum se non fateatur, vel certe facteri debeat: peccata quis intelligit? Psal. XLIX, 13. Jam per hypothesin fanaticam, termino peremptorio exclusos a Dei gratia dixerimus omnes: Nec Legis adeo nec Evangelii vistanta fuerit, ut converti amplius queant. Ac proinde frusta Paulus Corinthios alloquitur: Deo obsecrante per nos, rogamus pro Christo: reconciliemini Deo. 2. Cor. V, 20. Cum tamen inter hos consiperet mœchum enormem, quem ipsum sigillatim in gratiam receptum volebat. cap. VII, 8. 9. Vid. Cyp. Lib. IV, Ep. 2, p. 118.

§. XI.

Præterea V. ipsum salutis centrum, h. e. Meritum Christi, hæc ferit assertio. Scribit Joannes: Filioli mei ne peccatis: Sic Legem tractat etiam apud regenitos, ceu filiolos